

սերուն հետ, առաքելով կ'ընծայինք խոնարհաբար՝ Տիրոջմէ շնորհուած ողջոյնը և եղբայրական սիրոյ միացուցիչ անքակտելի զօգը, ի խնդիր երկնային լիառատ ուրախութեան, մեր փառաւորութեան և կաթողիկէ Եկեղեցւոյ հաստատութեան: Չեր Սրբութիւնը թող գիտնայ, որ եթէ ուղէինք յիշատակել Չեր սէրը, յարումը և պաշտպանութիւնը հանդէպ մեր Ազգին, սկսելով Ս. Սեղբեստրոսի և մեր Լուսաւորչին օրերէն, մինչև մեր ժամանակը, հարկ պիտի ըլլար աւելի երկարօրէն ճառել: Առ այժմ բաւական է յիշել միայն սէրն ու պաշտպանութիւնը, զորս Լուսահոգի Տէր Ազեքսանդր Սրբգ. Քահանայապետը արգեամբ ցոյց տուաւ հանդէպ մեր Ազգին և մեր վաճառականներուն, գլխաւորաբար հանդէպ մեր աշակերտին՝ Ոսկան Արքեպիսկոպոսին, որ յաճախ մեզի գրեց, այդ մասին շնորհակալութիւն յայտնելով: Այս պատճառաւ նաև մենք միշտ անոր յիշատակը կը մտարերենք: Արդ նոյն բանը կը խնդրենք Չեր վեհագոյն Սրբութենէն, որ մեր Ազգին հանդէպ ցոյց տաք միևնոյն սէրը և ընդարձակէք Չեր հայրական պաշտպանութիւնը: Եւ ինչպէս մենք հրաման տուինք Ոսկան Արքեպիսկոպոսին, զոր հոն ուղարկեցինք գրքերու տպագրութեան համար, որպէս զի այն տեղերու մեր Ազգին խոտորեալներն ուզգէ Տիրոջ պատուէրին համաձայն, և առաջնորդէ ըստ